

REGLUGERÐ

**um breytingu á reglugerð nr. 448, 16. júlí 1998,
um veiðar í atvinnuskyni fiskveiðiárið 1998/1999.**

1. gr.

1. gr. reglugerðarinnar orðist svo:

Veiðar í atvinnuskyni í fiskveiðilandhelgi Íslands eru óheimilar nema að fengnu leyfi Fiskistofu. Um veitingu leyfa í atvinnuskyni gildir ákvæði 5. gr. laga nr. 38/1990, um stjórn fiskveiða með síðari breytingum, sbr. lög nr. 1/1999.

2. gr.

Í stað: „skv. 6. gr.“ í 1. mgr. 6. gr. komi: samkvæmt ákvæði I til bráðabirgða við lög nr. 1/1999.

3. gr.

Í stað: „veiðileyfi þess og aflahlutdeild“ í 1. ml. 4. mgr. 9. gr. komi: aflahlutdeild þess. Orðin: „eða veiðileyfis“ í lokamálslið 4. mgr. 9. gr. falli niður.

4. gr.

Við 5. mgr. 9. gr. bætist nýr málslíður er orðist svo: Heimilt er með samþykki Fiskistofu að víkja frá þessari takmörkun á heimild til flutnings aflamarks í þeim tilvikum að um breytingar á skipastól viðkomandi útgerðar sé að ræða og aflahlutdeildin sé jafnframt flutt milli viðkomandi skipa.

5. gr.

12. - 18. gr. reglugerðarinnar falla niður.

6. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða með síðari breytingum, sbr. lög nr. 1, 14. janúar 1999, til þess að öðlast þegar gildi.

Sjávarútvegsráðuneytinu, 25. janúar 1999.

Þorsteinn Pálsson.

Jón B. Jónasson.

REGLUGERÐ

**um breytingu á reglugerð nr. 449, 16. júlí 1998,
um veiðar krókabáta fiskveiðiárið 1998/1999.**

1. gr.

7. gr. reglugerðarinnar orðist svo:

Á fiskveiðiárinu 1998/1999 skal fjöldi sóknardaga vera 32 hjá þeim bátum, sem stunda veiðar með línu og handfærum með dagatakörkunum. Um skerðingu daga fyrir þá báta, sem stunda veiðar með línu, gilda ákvæði 6. gr. Fjöldi sóknardaga skal vera 40 hjá þeim bátum, sem stunda veiðar með handfærum eingöngu.

Þorskaflí hvers báts, sem veiðar stundar samkvæmt 1. mgr. má ekki fara yfir 30 lestir, miðað við óslægðan fisk frá 1. september 1998 til 31. ágúst 1999.

2. gr.

Við 3. málsgrein 9. gr. bætast orðin: og þorskafla, skv. 2. mgr. 7. gr.

3. gr.

Í stað 11. gr. komi 5 nýjar greinar 11.-15. gr. og breytist talnaröð þeirra greina, sem eftir fara í samræmi við það. Hinar nýju greinar eru svohljóðandi:

Endurnýjun krókabáta.

11. gr.

Heimilt er að flytja veiðileyfi krókabáts til annars báts, enda hafi rétti til endurnýjunar ekki verið afsalað. Skilyrði þess að veiðileyfi sé flutt til annars báts er að eigandi krókabáts sem veiðileyfi lætur hafi skriflega óskað eftir því að veiðileyfið sé flutt til fiskiskips, sem sé á skipaskrá Siglingastofnunar Íslands, hafi gilt haffærisskírteini og hafi ekki haft veiðileyfi í öðru veiðikerfi á fiskveiðiárinu eftir gildistöku laga nr. 1/1999.

Sé bátur sá, sem veiðileyfi á að fá stærri, en krókabátur sá sem veiðileyfi lætur, er það því aðeins heimilt að flutt sé veiðileyfi frá öðrum krókabáti eða krókabátum, sem eru að minnsta kosti þrefalt stærri, en stærðarmuninum nemur. Sé bátur sá sem veiðileyfi á að fá minni, en krókabátur sá sem veiðileyfi lætur, er heimilt að flytja þriðjung þess sem umfram er til annars báts.

12. gr.

Við mat á stærð þiljaðra krókabáta skal leggja til grundvallar rúmtölu þeirra, sem er margfeldi eftirgreindra hönnunarmála:

1. Lóðlínulengdar, sem er lárétt fjarlægð milli aftari lóðlínu, sem er lóðrétt lína er gengur í gegnum stýrisás, og fremri lóðlínu, sem er lóðrétt lína er gengur í gegnum skurðpunkt stefnis og hönnunarvatnslínu.
2. Mótaðrar breiddar, sem er mesta breidd á miðbandi. Þversnið skipsgrindar, sem tekið er mitt á milli lóðlína, nefnist miðband.
3. Mótaðrar dýptar, að neðra þilfari, sem er lóðrétt fjarlægð frá neðri punkti miðbands við kjöl og efri brún þilfarsbita við byrðing.

Fyrir opna krókabáta ákvarðast rúmtala sem $4.3 \cdot \text{brúttótonn}$, þar sem brúttótonnatale er fundin samkvæmt grein 6.2 reglugerðar nr. 527 18. ágúst 1997, um mælingu skipa með lengd allt að 24 metrum.

13. gr.

Við útreikning rúmtölu samkvæmt ákvæðum reglugerðar þessarar skal Fiskistofa byggja á upplýsingum frá Siglingastofnun Íslands, að svo miklu leyti sem unnt er.

Heimilt er að meta það sérstaklega ef lögun báts er ekki hefðbundin, t.d. ef mismunur mestu lengdar og lóðlínulengdar eða mótaðrar breiddar og mestu breiddar er óvenjulegur. Sama gildir þegar það er miklum vandkvæðum bundið að finna hönnunarmál.

14. gr.

Sé veiðileyfi flutt frá báti fellur niður umframrúmtala sem ekki nýtist við þann flutning.

15. gr.

Séu veiðileyfi tveggja eða fleiri báta sem stundað hafa veiðar með þorskaflahámarki flutt til eins báts, fær sá bátur krókaleyfi með samanlögðu þorskaflahámarki bátanna.

Séu veiðileyfi tveggja eða fleiri báta sem stundað hafa veiðar með tilteknum fjölda sóknardaga flutt til eins báts, fær sá bátur sams konar krókaleyfi ásamt ónýttum sóknardögum og þorskaflaþaki, sem sá bátur hafði, sem grunnur veiðileyfisins kom frá.

Séu krókaleyfi báts eða báta sem stundað hafa veiðar með þorskaflahámarki og báts eða báta sem stundað hafa veiðar með tilteknum fjölda sóknardaga flutt til eins báts, skal bátnum úthlutað krókaleyfi með samanlögðu þorskaflahámarki þess báts eða þeirra báta sem leyfi höfðu til veiða með þorskaflahámarki.

Aldrei er heimilt að flytja krókaleyfi til báts sem er stærri en 6 brúttótonn.

Óheimilt er að gera breytingar á báti sem stundar veiðar með þorskaflahámarki, þannig að rúmtala hans aukist, nema flutt sé veiðileyfi af öðrum krókabáti eða bátum sem eru þrefalt stærri að rúmtölu en sem stækkuninni nemur. Óheimilt er að gera breytingar á báti sem stundar veiðar með tilteknum fjölda sóknardaga, þannig að rúmtala hans aukist, nema flutt sé veiðileyfi frá öðrum báti eða bátum sem stundað hafa veiðar með tilteknum fjölda sóknardaga og eru þrefalt stærri að rúmtölu en sem stækkuninni nemur. Krókabáti má aldrei breyta þannig að hann verði stærri en 6 brúttótonn.

Tilkynna skal Fiskistofu um fyrirhugaðan flutning veiðileyfis og breytingar á bátum samkvæmt þessari grein.

4. gr.

Aftan við síðustu grein reglugerðarinnar komi ákvæði til bráðabirgða er orðist svo: Þrátt fyrir ákvæði 7. gr. gefst þeim fiskibátum, sem stundað hafa veiðar með línu og handfærum eða handfærum eingöngu með dagatakmarkunum kostur á að stunda handfæraveiðar eingöngu í 23 sóknardaga á fiskveiðiárinu 1998/1999 án takmarkana á heildarafla á tímabilinu 1. apríl til 31. ágúst 1999.

Að öðru leyti gilda ákvæði reglugerðar þessarar um veiðar þessara báta, endurnýjun og breytingar á þeim.

Útgerðir þeirra fiskibáta, sem velja að stunda veiðar í samræmi við ákvæði þessarar greinar, skulu fyrir 1. mars 1999 tilkynna það til Fiskistofu. Tilkynning sem berst eftir þann tíma verður ekki tekin til greina.

Hafi bátur nýtt sóknardaga á fiskveiðiárinu 1998/1999 fyrir 1. mars 1999 koma þeir til frádráttar þeim sóknardögum, sem honum er heimilt að nýta samkvæmt þessari grein.

5. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða með síðari breytingum, sbr. lög nr. 1, 14. janúar 1999, til þess að öðlast þegar gildi.

Sjávarútvegsráðuneytinu, 25. janúar 1999.

Þorsteinn Pálsson.

Jón B. Jónasson.